



Xtremeidfjord

Saksbehandlar, innvalstelefon

Øistein Aasland, 5557 2322

Att. Anita Fredheim Limstrand

Løyve til gjennomføring av Dynafit Hardangerjøkulen Ultra innanfor Skaupsjøen/Hardangerjøkulen landskapsvernområde

Statsforvaltaren i Vestland gjev Xtremeidfjord v/ Anita Fredheim Limstrand løyve til å arrangere Dynafit Hardangerjøkulen Ultra i 2021 (eit 95 km langt fjell-løp) innanfor Skaupsjøen/ Hardangerjøkulen landskapsvernområde.

Vedtaket er fatta med heimel i § 4.2.1 "Ferdsløp" i forskrift om vern for Skaupsjøen/Hardangerjøkulen landskapsvernområde og vurdert etter naturmangfaldlova.


Det er sett vilkår til løyvet.

Vi viser til søknad, datert 2. mai 2021 frå Xtremeidfjord v/ Anita Fredheim Limstrand. Samt til telefonsamtale om same løpet.

Bakgrunn for søknaden

Xtremeidfjord arrangerer *Dynafit Hardangerjøkulen Ultra* med to ulike distansar som har start og mål på Liseth Pensjonat & Hyttetun i Eidfjord kommune. Den lengste løypa på 95 km, og følgjer DNT sitt løypenett frå Liseth via Rembesdal rundt Hardangerjøkulen til Finse og vidare til Krækkja og Kjeldebu - før den endar på Liseth (sjå kart lenger ned). Den kortare løypa på 34 km, startar i same løypa som 95 km løypa før den på høgda før Rembesdalsvatnet tar av mot Skykkjedalsfjellet, rundar tilbake mot Leirhalsen og ender opp på Liseth. Den korte løypa ligg i sin heilskap utanfor landskapsvernområdet.

Årets løp er planlagt arrangert 10. juli og det er satt eit tak på maksimum 200 deltakarar totalt. Starten for 95 km går laurdags morgon kl. 07:00 og siste deltakar er forventa i mål seinast kl. 06:00 søndags morgon. Starten for 34 km-løpet går kl. 11:00 frå Liseth og siste løpar er forventa i mål før kl. 06:00 søndags morgon.



Statsforvaltaren sin vurdering

Dynafit Hardangerjökulen Ultra er å rekne som organisert ferdsle. Søknaden vurderast difor etter § 4.2.1 *Ferdsle* i forskrift om vern for Skaupsjøen/Hardangerjökulen landskapsvernområde og etter Naturmangfaldlova.

I *Forvaltningsplanen for Hardangervidda nasjonalpark med landskapsvernområde* går det fram at forvaltningsstyresmakta kan stille krav om løyve for organisert ferdsle som kan vere til skade eller ulempe for verneinteressene i nasjonalparken og landskapsvernområda. Statsforvaltaren i Vestland er forvaltningsstyresmakt for den delen av Skaupsjøen/Hardangerjökulen landskapsvernområde som ligger i Vestland. Løpet går inn i Viken sin del av landskapsvernområde i ein ørliten flik, der dei skal innom Krækkja. Dette er ein så liten del at denne delen inngår i dette løyvet.

Dynafit Hardangerjökulen Ultra vil gå gjennom brukszone 8: Skaupsjøen-Halnefjorden i forvaltningsplanen. Her står det at; «Det kan tillatast eit relativt høgt bruksnivå i sona både for landbruksutnytting, tradisjonelt friluftsliv og turisme, men innafor rammene av verneformålet. Det skal takast tilbørleg omsyn til landskapet ved løyve til byggjeverksemd og andre varige tiltak. Det må vurderast tiltak for å sikre verdifulle kulturminne i området som er utsett på grunn av ulik ferdsle og godt tilgjenge. Ein skal unngå tiltak og aktivitetar som kan bidra til å stenge villreintrekk mellom sentralvidda og området ved Hardangerjökulen. Det bør ikkje gjevast løyve til organisert ferdsle på vinterføre av omsyn til villreinen.»

Statsforvaltaren har vurdert søknaden om å kunne arrangere *Dynafit Hardangerjökulen Ultra* opp mot Naturmangfaldlova §§ 8 til 12:

§ 8 kunnskapsgrunnlag – Statsforvaltaren meiner vi har eit godt kunnskapsgrunnlag i høve til denne søknaden. Sjølv om eit slikt løp representerer ein potensiell kjelde til forstyrning av villrein og anna vilt, så vil dette bli avdempast ved at det er lagt inn vilkår om at arrangøren skal ha kontakt med SNO



før løpet. Og dei er ansvarleg for at løpet avgrensast eller stoppast dersom det er fare for uroing av villrein. Denne informasjonen skal distribuerast til deltakarane før løpet startar.

§ 9 føre-var-prinsippet – Sjølv om vi meiner at kunnskapsgrunnlaget i denne saka er bra, så veit ein ikkje kor villreinen står, og kor myke eit slikt løp vil påverke dyra. Det er difor viktig med nær kontakt og samarbeid med SNO før og under løpet.

§ 10 økosystemtilnærming og samla belastning – Eit løp som omsøkt vil kome i tillegg til den ferdsla som er på vidda. Men sidan dette arrangementet vil avviklast over relativt kort tid, så vil ikkje påverkinga vare over lang tid. Løpet vil berre følgje dei T-merka stiane, så det vil ikkje være folk utover i terrenget.

§ 11 kostnadane ved miljøforringing skal berast av tiltakshavar – Vi ser ikkje at det er relevant å vurdere dette temaet.

§ 12 miljøforsvarlege teknikkar og driftsmetode – Når ein skal ta omsyn til dette, så må det gå på å velje trasear og tidspunkt for løpet som ikkje kjem i konflikt med villreininteressene. Vi meiner at søknaden tek høgde for dette.

På bakgrunn av desse vurderingane gjev Statsforvaltaren i Vestland løyve til å arrangere det omsøkte 95 km langt fjell-løpet; *Dynafit Hardangerjøkulen Ultra* i 2021.

Vedtak:

Statsforvaltaren i Vestland gjev Xtremeidfjord v/ Anita Fredheim Limstrand løyve til å arrangere *Dynafit Hardangerjøkulen Ultra* i 2021 (eit 95 km langt fjell-løp) innanfor Skaupsjøen/Hardangerjøkulen landskapsvernområde.

Vedtaket er fatta med heimel i § 4.2.1 "Ferdsla" i forskrift om vern for Skaupsjøen/Hardangerjøkulen landskapsvernområde og vurdert etter miljørettsprinsippa i naturmangfaldlova.

For løyvet gjeld følgjande vilkår:

- Løpet skal arrangerast den 10. juli 2021.
- Det vert sett ei øvre grense på 200 deltakarar.
- Løpet skal i utgangspunktet følgje T-merka stiar (sjå kart).
- Deltakarane skal ha med seg GPS-tracing og ha med tilstrekkeleg utstyr for å klare seg i fjellet åleine.
- Det skal etablerast god kontakt med SNO i god tid før og under løpet. Dersom det er observert villrein i området har arrangøren ansvar for at løpet avgrensast eller stoppast. Søkjar er ansvarleg for at informasjon om dette vert distribuert til alle deltakarane før løpet startar.
- Etter løpet skal det skrivast ein rapport om tal deltakarar, val av trase, kontakt med oppsynet og eventuelle observasjonar av rein. Frist for å sende rapporten til Statsforvaltaren vert sett til 1. oktober 2021. Manglande rapportering kan få følgje for eventuelle nye søknadar.
- Arrangøren må sjølv syte for eventuelle avklaringar med grunneigarar.

Vedtaket kan påklagast til Miljødirektoratet av part i saka eller andre med rettsleg klageinteresse, jf. forvaltningslova § 28. Klagefrist er 3 veker etter at ein er kjent med vedtaket. Klage skal stilast til Miljødirektoratet, men skal sendast til Statsforvaltaren i Vestland.



Med helsing

Stein Byrkjeland
fagdirektør

Øistein Aasland
seniorrådgjevar

Dokumentet er elektronisk godkjent

Kopi til:
Eidfjord kommune
Ulvik herad
Tilsynsutvalet i Vestland - for Hardangervidda nasjonalpark
Villreinnemnda for Hardangerviddaområdet
SNO-Rosendal
SNO-Rødberg
Miljødirektoratet